

ՆՈՐ ՔՐԷԱԿԱՆ ՄԻ ԲԱՌ

ՄԱՐԿ ՏՈՒԷՆԻ

Վերջին տասնեակ տարիներում դատաստանական աշխարհը
երևան հանեց խելագարութեան շատ զարմանալի դէպքեր, որոնց
մասին առաջ չիշատակում էր միայն պատմութեան մէջ¹⁾։

I

Մի այդպիսի դէպք տեղի ունեցաւ, զորօրինակ, սորանից քսան
և երկու տարի առաջ յանցաւոր Բօլդուինի դործում։

Բօլդուինը երեխալութիւնից սկսած յայտնի էր, իբրեւ չարա-
սիրտ, քինապահ և կուարար մի անձ։ Մի անգամ նա մի ողայի
աւջը հանեց և այնպէս մարսեց այդ բանը, որ ոչ ոք չէր կասկա-
ծիլ անգամ՝ թէ նա երբ և իցէ զղշալու հակում ունեցած լինի։
Նւ քանի քանի այդ տեսակ անգութ դործեր էր նա կատարել։

Բայց վերջապէս մի անգամ նա իրան թոյլ տւեց մի արտաքոյ
կարգի վարմունք։ Մի օր երեկոյեան, իսկոյն մութն ընկնելուց յետոյ,
նա կանգ է առնում մի տան առաջ, զանգահարում է և երբ տան
տէրը երևում է դռնամէջ, Բօլդուինը արձակում է նորա վերայ ատոր-
ճանակը, նորան վայր դնում և պատրաստում է փախչելու. բայց
իսկոյն բռնւում է։

¹⁾ Տուէներ օգտուելով ծաղրում է այն դասերը, երբ լանցաւորներին ար-
դարացնում են խելագարութեան պատրւակով կամ երբ իսկական խելա-
գարութիւնները պատժի են ենթարկւում։

Դեռ երկու օր այդ դէպքից առաջ, նա իւր զարճութեան համար վիրաւորած է եղել մի անդամալոյծի անպատիժ կերպով:

Այս տեսակ անձ էր Բօլդուինը: Նորա գործը շարունակուում էր երկայն ժամանակ և մեծ աղմուկ էր հանում: Բոլոր համայնքը սաստիկ զայրացած էր Բօլդուինի վերայ: Շատերը ասում էին, որ բաւական է, որչափ այդ խտասիրո և անողոք չարագործը վիշտ է պատճառել իւր կեանքի ընթացքում, այժմ նա պէտք է օրէնքի առաջ պատասխանի և պատժւի:

Բայց այդ ասողները սխալել էին:

Դուրս եկաւ, որ Բօլդուինը իւր յանցանքը գործելու ժամանակը խելագար դրութեան մէջ է եղել: Արդարացնելու հնարը գտնւած էր:

Պաշտպանը աշխատում էր ապացուցանել, որ Բօլդուինը սպանութեան օրւայ առաւօտեան ինն և կէս ժամին խելագարել էր և այդ դրութեան մէջ մնացել ճիշդ տասն և մէկ ժամ ու կէս:

Այս հանգամանքը մեղմացրեց գործած յանցանքը և հերոսը հրատարակեց արդարացրած:

Ուրեմն, եթէ դատաստանը, դիցուք, ուշադիր կղած լինէր գրգռած տգէտ համայնքի ձայնին, նա պէտք է սխալմամբ սոսկալի պատժի ենթարկած լինէր մի խեղճ մարդու, որ միայն կարճատև խելագարութիւն է ստացած եղել:

Բօլդուինը դուրս եկաւ դատաստանից մաքուր, ինչպէս աղաւնի: Եւ թէև ազգականները և ծանօթները ըստ պարտականութեան բարկացել էին համայնքի վերայ, սորա կոսկածների և կարծիքների պատճառով, այնու ամենայնիւ բանը քնացրին, իրանց բարկութիւնը տեղ չը հասցրին և համայնքը չը հալածեցին:

Բօլդուինների ազգը շատ ունեւոր և հարուստ էր:

Այս դէպքից յետոյ երկու անգամ էլ կրկնեց Բօլդուինի խելագարութիւնը և երկու անգամուամ էլ նա սպանեց այնպիսի մարդկանց, որոնց հետ քէն էր ունեցել: Իւրաքանչիւր դէպքում սպանութեան կից պարագաները այնպէս ծանրացնում էին մեղը և եղեւնագործութիւնը կատարել էր այնպիսի անդուծ և նենգ կերպով, որ եթէ Բօլդուինի խելագարութեան ան ու նը չը լինէր, նորան կախած պէտք է լինէին առանց այլևայլութեան:

Այն էլ սակայն ասեմք, որ այդ արդարանալը շատ էլ հեշտ գլուխ չ'եկաւ: Առաջին յանցանքից ազատուելու համար հարկաւոր եկաւ նորա հասարակական և տոհմական դիրքի ազդեցութիւնը, իսկ երկրորդի համար—պահանջեց նաև ո՛չ պակաս, քան տասն հազար դօլլար փող:

Ասում են, որ սպանւածներից մէկին Բօլզովինը գեռ տասներկու տարի սորանից առաջ սպառնացած է եղել մեռցնելու: Տեսէ՛ք հիմի բանը: Այնպէս է պատահում, որ այն խեղճը անցնում է եղել խուլ փողոցով հէնց այն րոպէին, երբ Բօլզովինի խելագարութիւնը բռնած է եղել և թշուառը ստանում է գնդակի հարւած մէջքի կողմից և ընկնում:

II

Յիշենք նոյնպէս Հակետի գործը:

Հակետը երկու անգամ հրապարակապէս յարձակել էր գաւազանով գերմանացի մսագործի վերայ և երկու անգամ էլ լաւ ծեծ էր կերել մսագործից:

Հակետը փառասէր, հարուստ և լիրբ մի մարդ էր, որ չափազանց պարծենում էր իւր ծագումով և տոհմով և երևակայում էր թէ շրջապատողները պէտք է նորա հարստութեան առաջ գլուխ խոնարհեն:

Նա ամբողջ երկու շաբաթ հնարներ էր որոնում մսագործից իւր վրէժը հանելու և ահա մի օր, յանկարծակի խելագարւելով, ղիկնում է ոտքից մինչև գլուխ, գնում է քաղաք և սպասում է փողոցներում մե քանի ժամ մինչև պատահում է մսագործին, որ հանգիստ ու հանդարտ անցնելիս է լինում իւր կնոջ հետ թեւ թեւի տւած: Այն ժամանակ Հակետը թագ է կենում մի դռան ետև և երբ զոյգը մօտենում է, նա դանակը խրում է մսագործի կրկորդը և իսկոյն սպանում: Կինը բռնում է ընկնող մարմինը և գետին գնում:

Հակետը նայում է այրիացած թշուառ կնոջը և կատակի ձևով պստում, որ ինքը այնքան ճարպիկ և վարպետ կերպով է հարւած տւել, որ այրին կարող է, եթէ ուզենայ, երկրորդ ամուսնութեան մասին ազատ հոգալ:

Այս եղելութիւնից յետոյ Հակետը իւր մի բարեկամին պատա-

Հելուց ասել է, թէ իւր հասարակական դիրքը՝ համեմատած անշան մագործինի հետ՝ կարող էր մի այդ տեսակ անսպասելի վարմունք առաջ բերել: Վերջին երկու հանգամանքը, այսինքն մագործի կնոջը ասածը և այդ բարեկամին հաղորդածը, ընդունել էին դատաստանի ժամանակ իբրև խելագարութեան ապացոյցներ և Հակետը այդպիսով աղաուել էր պառժից: Առաջ երդեալները չեն ուղում եղել այս ապացոյցները բաւականաչափ համոզիչ համարելու, որովհետև յանցաւորը սպանելուց առաջ խելագար չէ եղել երբէք և սպանութիւնից յետոյ էլ իսկոյն խելքը զխին է եղել, ինչպէս միշտ: Բայց երբ փաստաբանը յայտնում է, որ Հակետի հօրեղբօր որդին խելագար է եղել և որ ինչ զարմանալին է, ունեցել է Հակետի քթին շատ նման մի քիթ, պարզում է, որ Հակետին խելագարութիւնը բնականաբար կարող էր այցելել: Եւ նորան արդարացնում են:

Դեռ բանը որտեղ է հասնում, որ Հակետի կնոջ բարեկամները իրանց վիրաւորւած են զգում այս դէպքից:

Անկարելի է, սակայն, հաղորդել խելագարութեան այն զարմանալի դէպքերը, որ վերջին երեսուն քաւասուն տարիներում զբաղեցրել է հասարակութեան ուշադրութիւնը:

III

Այժմ պատմենք մի քանի ուրիշ տեսակ դէպքեր էլ:

Երեք տարի առաջ, զօրօրինակ, քննում էր Զիւրջինի գործը, որ կայացած էր հետեւեալում: Զիւրջին անունով մի աղախին մի խուլ և մութ գիշեր մտնում է իւր տիկնոջ ննջարանը և գանակով մաս մաս է անում խեղճ կնոջը: Յետոյ մարմինը քաշ է տալիս սենեակի մէջ տեղը, ոտով կոխոտում, աթոռներով ծեծում և ամեն կերպ ջարդում: Յետոյ չարագործը պատռում է մի փափուկ բարձ, միջի փետուրը դուրս թափում սենեակի մէջը, վերան ածում նաւթ և վառում, որպէս զի իւր յանցանքի հետքը ծածկի:

Յետոյ վեր է առնում սպանւած տիկնոջ փոքր երեխային իւր արինաթաթախ ձեռքերը և, դուրս գալով տնից, վազում է հոտաբոբիկ ձիւնի վերայով մի հեռու ծանօթի տուն և այնտեղ հնարում է մի անհաւատալի, անմիտ պատմութիւն, իբր թէ օտար մարդիկ

եկել են նորա տիկնոջ տունը և կրակ տւել: Յետոյ սկսում է աղեկտուր լաց լինել և չը մտածելով, որ նորա ձեռքերի և շորերի վերայ եղած արիւնը կարող է կասկած յարուցանել, անզգուշաբար ակնարկներ է անում, որ նա երկիւղ է կրում, թէ մի գուցէ այն մարդիկը սպանած լինեն նորա տիկնոջը:

Շատ հարց ու փորձերից, աղախնի սեփական ցուցումներից և վկաների տւած տեղեկութիւններից բոլորովին պարզ կերպով հաստատուում է, որ տիկինը միշտ բարի է եղել դէպի իւր աղախինը և որ սպանութեան գործում ոչ մի վրէժի նշոյլ անգամ չէ եղել. նոյնպէս պարզուում է, որ աղախինը ոչ մի բան չէ վեր աւել կրակ տւած տնից, մինչև անգամ ինքը առանց կոշիկի է դուրս պրծել, այնպէս որ կողոպտելու էլ մտադրութիւն չէ ունեցել:

Ընթերցողը այժմ երևի մտածում է՝ թէ այստեղ արդէն անկասկած խելագարութեան դէպք է: Բայց հէնց այս անգամ նա կը խարւի:

Յանցաւոր աղախնի պաշտպանութեան համար ոչ ոք ծպտուն չը հանեց, խելագարութեան անունը չը յիշեց: Դատաստանը որոշեց խիստ պատիժ: Զը գոնւեց մէկը, որ նահանգապետին դիմէր՝ պատիժը թեթեւացնելու համար և յանցաւորը կախւեց իսկոյն:

IV

Մի քանի տարի սորանից առաջ հրատարակւած էր լրագիրներում մի պատանու բերանից քաղած հետաքրքրաշարժ մի խոստովանութիւն: Ոկզբից մինչև վերջը այդ խոստովանութիւնը մի անկապ, խառնփնթոր ցնորաբանութիւն էր, ինչպէս և նորա այն երկայն ճառը, որ արտասանել էր կառավանատեղում կախւելուց առաջ:

Այդ պատանին բոլորովին անբացատրելի պատճառով որոնում է եղել այնպիսի մի հնար, որ տգեղացնի մի ջահիլ աղջկայ երես, որ ոչ ոք չը ցանկանայ նորա հետ պսակել: Ինքը սիրում չէ եղել աղջկան և մտադիր չէ եղել հետը պսակելու. բայց և չէ ցանկացել թոյլ տալու, որ մի ուրիշը պսակւի:

Նա չի համաձայնում եղել աղջկայ հետ մի որ և է տեղ դնալ

դրօսներու, բայց և ոչ ոքի էլ թոյլ չի տալիս եղել օրիորդին ուղեկցելու:

Մի անգամ պատանին հրաժարուում է այդ աղջկայ հետ հարսանիք գնալուց. բայց երբ տեսնում է, որ աղջիկը մի ուրիշ երիտասարդի հետ գնացել է, ինքն էլ գնում է և ճանապարհին սպասում է, որ պատահի դոցա կառքին և կամ աղջկան ստիպի յետ դառնալ կամ թէ նորա ուղեկցին սպանի տեղն ու տեղը:

Աղջկայ երեսը տգեղացնելու միտքը ամբողջ տարի նորան հալածում է եղել. Եւ վերջապէս նա սկսում է իրագործել և յաջողեցնում է իւր մտադրութիւնը:

Մի անգամ, երբ աղջիկը նստած է լինում ընթրիքի իւր ծնողների, եղբայրների և քոյրերի հետ, չարագործը մտադրուում է այնպէս խփել ատրճանակը, որ չը մնասելով առողջութեան՝ խաղիսդի փոքր ինչ թուշը և տգեղացնի ղէմքը. բայց գժբաղվարար գնդակը մի քիչ թեքւում է և աղջկան սպանում:

Սպանողը մինչև իւր կեանքի վերջին վայրկեանը մեղաւորում էր ճակատագրական այն բերմունքը, որ ստիպել էր աղջկան շուռ տալ իւր երեսը հէնց ուղիղ հարւածի ժախնակը: Եւ մինչև վերջն էլ նա համոզւած էր, որ աղջկայ մահւան պատճառը ինքը աղջիկն է եղել:

Այս անկասկածելի խելագուրկը կախւեց:

Բայց խելագարութեան խնդիր չը յարուցւեց:

V

Ինչպէս երևում է՝ խելագարութիւնը աշխարհումս բազմանում է, իսկ յանցանքը անհետանում: Այժմ՝ էլ սպանողների անուն չենք լսում:

Առաջւայ ժամանակները, եթէ դուք մի մարդ էիք սպանած լինում, կարող էր պատահել, որ ձեր խելքը գլխներիդ չէ եղել. իսկ այժմ, եթէ դուք լաւ տոհմի զաւակ էք և հարուստ, ձեր վարմունքը հէնց ինքը—կը համարւի ապացոյց ձեր խելագար լինելուն:

Նոյնպէս էլ՝ եթէ մի լաւ տոհմի անդամ, որ բարձր հասարակական գիրք ունի, եթէ մի բան գողանայ, նորան պաշտպանող փաստա-

բանը վերագրում է այդ վարմունքը մոլութեան, առանձին հիւանդոտ սովորութեան կամ ուրիշ խօսքով՝ մի տեսակ խելագարութեան:

Եթէ բարձր դիրք ունեցողին մէկը վաանում է իւր կարողութիւնը անբարոյական վարքով և վերջացնում է իւր կեանքը թոյնով կամ գնդակով, նորա մասին աւոււմ են, որ նա ենթարկւած է եղել մոաւոր ընդունակութիւնների ժամանակաւոր շեղումին:

Արդեօք խելագարութեան վերագրելը չափազանցութեան չէ հասել: Արդեօք նա զէնք չէ դարձել անբարեխիղճների ձեռքին:

Վերջին ժամանակներս ամենայն մի սպանող այնպէս է դուրս բերւում, որ եղեռնագործութիւնը կառարւելուց առաջ՝ իբր թէ նա եղել է խելագարութեան ենթակայ:

Բաւական է, որ յանցաւորը խօսք բաց անի աստղների մասին, իսկոյն վճռւում են, որ նա խելագար է: Եթէ նա լաց եղաւ իւր վիճակի վերայ, բարեկամները գլուխները թափ են տալիս մի տեսակ երկիւղով, որով ուզում են ասել, թէ յբանը վատ է, խելքը կարծես տեղումը չէ: Եթէ յանցաւորը սպանութիւնից յետոյ շփոթւած է լինում, կասկածոտ և անհանգիստ, նա առանց այլ և այլութեան դասւում է խելագարների շարքում:

Իսկն ասած՝ մեզ հարկաւոր են օրէնքներ ոչ թէ յանցանքների դէմ, այլ մի յառուկ օրէնք խելագարութեան դէմ: Ահա ուր է իսկական չարիքը: